

Худо берган ҳар бир миллатнинг маънавий борлигини дунёга танитадиган сўз санъаткорлари, аллома шоирлари бўлади. Қорақалпоқ оғзаки ижодини ёзма адабиёти билан уйғунлаштириб, халқона шеърлар ёзган Ажиниёз Қўсибой ўғли шундай адабий сиймолардан биридир.



(Давоми 5-саҳифада.)



ЎЗБЕКИСТОН ВА ҚИРҒИЗИСТОН КЎП ҚИРРАЛИ ҲАМКОРЛИГИДА ЯНГИ ДАВР БОШЛАНМОҚДА

Ўзбекистон Республикаси Президенти Шавкат Мирзиёевнинг таклифи биноан Қирғиз Республикаси Президенти Садир Жапаров рафиқаси билан бирга 18 июль кунини давлат ташрифи билан мамлакатимизга келди.

Тошкент шаҳри халқаро аэропортида уларни давлатимиз раҳбари ва рафиқаси кутиб олди.

Олий мартабали меҳмон шарафига икки мамлакат давлат байроқлари кўтарилиб, фахрий қоровул саф тортди.

Қўшнисига яхшилик соғиниб, ҳамisha тинч бўлишини тилаган, ютуғидан қувонадиган халқимиз. Оналаримиз тансиқроқ бирор егулик пиширса аввал бир девор нарига, ҳамсоясига илинган. Ўзига раво кўрганини бошқалар билан ҳам бўлишган. Бунда катта ҳикмат бор.

Ота-боболаримиз бир рўзгорнинг бошқалардан айро бахтиёр бўла олмаслигини яхши билган. Кўннинг бирликда эканлигини таъкидлашларининг маъноси ҳам шунда.

Мамлакатимизнинг кейинги йилларда қўшни давлатлар билан дўстона алоқаларни янги босқичга олиб чиқишга интилаётгани замирида ҳам ана шу кўп йиллик қадрият мужассам.

Ўзбекистон Қирғиз Республикаси билан “бир девор” қўшни. Қуда-анда, борди-келди, олди-сотди масалалари ўзига хос тарихга эга. Қирғиз Республикаси Президенти Садир Жапаров Тошкент шаҳрига келгач, Ўзбекистон Республикаси Бош вазири ҳамроҳлигида “Янги Ўзбекистон” боғига ташриф буюрди. Олий мартабали меҳмон “Янги Ўзбекистон” боғидаги Мустақиллик монументи пойига гул қўйди.

Мажмуа билан қисқача танишув асносида Қирғиз Республикаси делегацияси вакиллари мазкур ансамбль мазмуни ва меъморий ечимлари ҳақида маълумот берилди.

Делегация аъзолари мажмуада акс эттирилган алломалар, буюк саркарда ва жаҳонгирлар, жадид боболаримизнинг сиймоларига алоҳида эътибор қаратди.

(Давоми 2-саҳифада.)

Ўзбекистон Республикаси Президентининг ҚАРОРИ

ЎЗБЕКИСТОН РЕСПУБЛИКАСИ ДАВЛАТ МУСТАҚИЛЛИГИНИНГ ЎТТИЗ УЧ ЙИЛЛИК БАЙРАМИГА ТАЙЁРГАРЛИК КЎРИШ ВА УНИ ЎТКАЗИШ ТЎҒРИСИДА

Бундан ўттиз уч йил олдин ўта оғир ва мураккаб тарихий вазиятда қўлга киритилган миллий истиқлолимиз бугунги кунда кўп миллатли бутун халқимизни Янги Ўзбекистонни барпо этишдек буюк мақсад йўлида бирлаштириб, янги ютуқ ва марралар сари илҳомлантирмоқда.

Айнан мустақиллик туфайли мамлакатимиз суверен, демократик, ҳуқуқий, ижтимоий ва дунёвий давлатга, халқаро ҳуқуқнинг тўлақонли субъектига айланди. Дунё бизни янгитдан таниди ва тан олди. Ер юзидаги турли давлатлар ва халқлар билан дўстлик ҳамда ҳамкорлик алоқаларимиз тобора кенгайиб, юртимизнинг халқаро майдондаги мавқеи ва нуфузи ортиб бормоқда.

Айниқса, кейинги йилларда мамлакатимизда амалга оширилаётган кенг қўламли демократик ислохотлар жараёнида мустақил давлат бўлиб, дунёга очилиб яшаш, эркин ва озод халқлар оиласида муносиб ўрин эгаллаб, замонавий тараққиётга эришиш нақадар улғу бахт ва шараф, шу билан бирга, улкан масъулият эканини янада чуқур ҳис этмоқдамиз.

Халқимизнинг миллий манфаатларини таъминлашга қаратилган ички ва ташқи сиёсат борасидаги туб ўзгаришлар, эришилаётган амалий натижалар халқаро ҳамжамият томонидан эътироф этилмоқда ва қўллаб-қувватланмоқда.

Барчамиз инсон қадрини олий мезон бўлган янги ҳаёт, янги жамият куриши йўлида қўлга киритган зафарларимизни мустақил тараққиёт гоёсига ҳамisha содик, мард

ва матонатли халқимизнинг фидокорона меҳнати, ақл-заковати ва бунёдкорлик салоҳияти маҳсули деб биламиз ва ана шундай олижаноб элнинг фарзандлари эканимиздан чексиз фахрланамиз.

Ўзбекистон Республикаси давлат мустақиллигининг ўттиз уч йиллик шонли санасини чинакам умумхалқ байрами, озодлик ва саодат айёми сифатида кўтаринки кайфиятда кутиб олиш ҳамда мамлакатимизнинг бугунги тараққиёт даражаси, юксалиш суръатларига муносиб тарзда нишонлаш мақсадида:

1. Ўзбекистон Республикаси давлат мустақиллигининг ўттиз уч йиллик байрамига тайёргарлик кўриш ва уни ўтказиш бўйича республика комиссиясининг (кейинги ўринларда – Республика комиссияси) таркиби иловага мувофиқ тасдиқлансин.

2. Республика комиссияси (А.Арипов): бир ҳафта муддатда “**Бир бўлсак – ягона халқимиз, бирлашсак – Ватанмиз!**” деган бош гоёни ўзида мужассам этган ташкилий-амалий, маънавий-маърифий тадбирлар ҳамда тарғибот-ташвиқот ишлари дастурини тасдиқлансин. Мазкур дастур “Ўзбекистон – 2030” стратегияси, шунингдек, “Ёшлар ва бизнесни қўллаб-қувватлаш йили” бўйича қабул қилинган давлат дастури билан уйғун ҳолда тайёрлансин;

Ўзбекистон Республикаси давлат мустақиллигининг ўттиз уч йиллик байрами (кейинги ўринларда – Мустақиллик байрами) Қорақалпоғистон Республикаси, вилоятлар марказлари ва Тош-

кент шаҳрида, шунингдек, барча шаҳар ҳамда туманлар, қишлоқ ва овулларда муносиб нишонланишини таъминласин; ҳудудларда кенг аҳоли қатламлари ўртасида Мустақиллик байрамига бағишланган маънавий-маърифий анжуманлар, уч авлод учрашувларини, очиқ мулоқот ва суҳбатлар, адабий-бадиий кечалар, миллий кино кунлари, сайиллар, маданият ва спорт тадбирлари, гастрономик фестивалларни самарали ўтказиш мақсадида **АТОҚЛИ ИЛМ-ФАН НАМОЯНДАЛАРИ, МАДАНИЯТ ВА САНЪАТ АРБОБЛАРИ, ТАНИҚЛИ СПОРТЧИЛАР, КЕНГ ЖАМОАТЧИЛИК ВАКИЛЛАРИДАН ИБОРАТ ТАРҒИБОТ ГУРУҲЛАРИНИ ТАШКИЛ ЭТСИН** ҳамда уларнинг аниқ режа асосида фаолият юритишини таъминласин;

Мустақиллик байрамига бағишланган барча тадбирларнинг юқори савияда ташкил этилиши юзасидан ҳар бир ҳудуд, вазирилик ва идора раҳбарларининг ҳисоботларини ўз йиғилишларида мунтазам равишда эшитиб борсин.

3. Қорақалпоғистон Республикаси, вилоятлар ва Тошкент шаҳрида ўтказиладиган асосий байрам тадбирларининг дастурларини тайёрлашга юқори профессионал маҳорат ҳамда тажрибага эга бўлган сценарийчи ва режиссёрлар, шоир ва адиблар, бастакор ҳамда балетмейстерлар, сахна расомлари, мақом ва бахшичилик санъати вакиллари, истеъдодли ёш ижрочилардан иборат ижодий гуруҳлар кенг жалб этилсин.

(Давоми 2-саҳифада.)

ТАҲЛИЛ

ЯНГИ ДАВР МОҲИЯТИ

1991 йилнинг 31 августи-гача Ер юзидаги давлати йўқ миллатларнинг бири эдик. Давлатга эга бўлдик. Уни қурдик. Дунёга ўз сўзимизни айтишга эришдик. Бизни олам таниди, биз оламни танидик. Ҳақиқатни айтганда, бу даражаларга эришиш давлатга ҳам, халққа ҳам осон бўлмади.

2016 йил сентябридан Ўзбекистонимизда янги давр бошланди. Узоқ йиллар олий таълим тизимида ишлаган, бир туман ва икки вилоятни бошқарган, 13 йилдан охиқ Ўзбекистон Республикасининг Бош вазири бўлган Шавкат Мирмонович Мирзиёев давлат раҳбари бўлди. У мамлакат ҳаётининг катта-кичик барча масалаларидан ҳар тарафлама боқиб эди. Муаммолар эса тикилиб кетган, уларни ечишнинг механизмлари эскирган ёки тамоман ишламай қолган эди. Чигалликлар шунчалар кўп эдики, бир масалани ечишга иккинчиси монелик қиларди. Аниқроғи, ҳамма масала бир киши орқали битиши, аммо унга ечимлар ҳақидаги таклифларни етказишнинг йўли мураккаблашиб қолган бир замон эди.

Лекин халқ эртага ёки индинга эмас, айнан бугун бахтли яшашни истарди.

ЯНГИ ЎЗБЕКИСТОН:

7 йилда

ЕТИШГАНЛАРИМИЗ

Хуллас, ҳаёт янгича бир сиёсатни талаб қиларди.

ИСЛОХОТ ВА ЯНА ИСЛОХОТ

“Ислохот” – “ўзгариш” дегани. Шунинг учун у – тўхтовсиз давом этадиган муттасил жараён. Дарё суви бир ерда тўхтаб тура олмагани сингари, одам ҳам, кишилик жамияти ҳам бир ерда турғун қолишга ҳақли эмас. Ҳаёт давом этар экан, у ҳар кунини,

ҳар ҳафта, ҳар ой, ҳар йил... олдимизга янги-янги вазифаларни кўндаланг қилиб қўяверади. Уларни адо этиш учун ҳаммамиз янгиланишга мажбурмиз.

Шу фалсафий мулоҳазалардан кейин мамлакатимизда кейинги етти йилда юз берган воқеа-ҳодисаларга умумлашма кўзи билан боқилса, кўп нарса ойдинлашади. Лекин бунинг битта шартини бор: бу ўзгаришларга,

аввало, айнан фуқаро кўзи билан боқиш зарур. Чунки, ахир, мамлакатдаги ўзгаришлар амалда фуқаро ҳаётини яхшилашга хизмат қилиши керак-да.

Хўш, шу мураккаб вазиятдан чиқиб кетишнинг қандай йўллари топилди?

Келинг, мамлакатимизда шу даврда юз берган туб бурилишларни бир-бир эслайлик.

(Давоми 3-саҳифада.)

МУНОСАБАТ

Туркий адабиёт кўеши, маънавий чароғбони ҳазрат Алишер Навоий ўзининг “Садди Искандарий” дostonида мамлакатни адолат ила бошқаришни салтанатнинг қудратини белгиловчи омили сифатида талқин этар экан: “Керак лутфу эҳсон шир айласанг, Адолат йўлин ихтиёр айласанг...”, деб таъкидлаган эди. Дарҳақиқат, халқни рози қилиш маслагини бош гоё қилиб белгилаб олган инсонпарвар сиёсатнинг таянч устуни адолат бўлмоғи муқаррардир.

Президентимиз Шавкат Мирзиёевнинг мамлакатимиз ҳудудларига ташрифини халқимиз интиқлик билан кутади. Чунки юртбошининг қўллуғ қадами етган манзиллар обод, кўнгишлар шод бўлади, адолат бош мезон бўлган ислохотларга ишонч мустаҳкамланиб, кенг қўламли ўзгаришларга камарбасталик ҳисси янада ортади. Яқиндан Фарғона вилоятига амалга оширилган ташриф ҳам ана шундай жиҳатлари билан алоҳида аҳамиятга эгадир.

Бу гагли сафар чоғида Фарғонадаги шаҳар ва туманларни янада ривожлантиришга оид кенг қўламли масалаларга алоҳида эътибор қаратилди. Айниқса, Фарғона, Марғилон, Қўқон, Қува шаҳарларида йирик лойиҳаларни амалга оширишга йўл очилди. Ушбу ташриф реконструкция қилиниб, янгидан очилган Қўқон аэропорти билан танишишдан бошланди. Вилоятда иккинчи йирик



ФАРҒОНА ТАШРИФИ:

КЕЛАЖАК УЧУН ДАДИЛ ҚАДАМЛАР

шаҳар ҳисобланган Қўқонни водий дарвозаси десак, хато қилмаган бўламиз. Шундай экан, бу ерда Ф 320-200 ва АТР 72-600 русумли замонавий самолётларни қабул қилиш имконига эга аэропортнинг очилиши эркин иқтисодий зона жойлашган, қадимий ҳунармандчилик ривожланган ва бошқа маънавий-маърифий қадриятларга эга бўлган туризм шаҳри учун ўта зарур эди. Қўқон ва унинг атрофида 300 мингдан зиёд аҳоли яшайди. Шаҳар ички туризм меҳмонлари ва ташқи сайёҳлар билан ҳамisha гавжум. Президентимиз илк бор йирик ҳаво кемасини қабул қилган аэропортда яратилган шароитлар билан танишар экан, парвозлар сонини ошириш, нарх ва хизматларни қўлайлаштириш бўйича муҳим кўрсатмалар берди. Энди-

ликда Қўқондан Самарқанд, Бу-хоро каби шаҳарларга ҳам парвоз қилиш мумкин бўлади.

Ташриф давомида давлат раҳбари Қўқон суперфосфат заводи неғизда ташкил этилган “Indogama Kokand Fertilizers and Chemicals” корхонасида инвесторлар билан ҳамкорлик истиқболлари ҳақида суҳбатлашди. “Фарғонаазот” заводи ҳам ушбу ҳамкорлар томонидан модернизация қилинмоқда. Вилоятдаги заводлар асосида ягона кимё кластери, Қўқон механика заводида кимё технопарки ташкил этилиши импорт ўрнини босувчи янги маҳсулотлар ишлаб чиқарилишини таъминлайди.

Шунингдек, Президентимиз Қўқон университетига яратилган шароитлар билан ҳам танишди.

(Давоми 4-саҳифада.)

